

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Vota Et Omina, Quae Serenissimorum Conjugum Ludovici Georgii Marchionis Badensis & Hochbergensis ... Et Mariae Annae Marchionissae Badensis & Hochbergensis ... Primogenito Principi Carolo Ludovico ...

Ludwig Georg <Baden-Baden, Markgraf>

[Rastatt], [1728]

Prolusio

[urn:nbn:de:bsz:31-11001](https://nbn-resolving.org/urn:nbn:de:bsz:31-11001)



PROLUSIO.



Asceris ergo tuo dignissime Nate Parente,
Magna Patris soboles, magnum Ducis incrementum,
Flos tanti pretiose thori, Patriæque Badensis
Sidus? sed non solus ades; te fertilis ambit

Aula boni, niveoque tibi comes aurea cornu
Sors est. Sidereo cunæ merguntur in auro,
Fascia jam radiat cœlestibus enthea flammis,
Jam vultum suus ignis habet. Prô quantus amœnâ
Effundit se fronte dies? quo mitia sole
Lumina? Jam pietasque jugo, zelusque decoros
Inducunt humeros; roseos constantia froenos
Mandit, & in puchros flectit sapientia cursus.
O quantus Patriam super infantilia tendis
Brachia, & in parvis populum complecteris ulnis?
O quantum radias? quantum de stirpe tuorum
Majorum rutilante trahis? Quis sidera nescit
Badensis radiosa domûs? quæ clara per orbem
Eminet, & factis, & nomine fulget; & albo
Omne fortunæ gaudet præcludere rebus.
Nasceris Augusta hâc Lodoicus ab arbore ramus,
Spémque decusque ferens: Prô quantum cerno bonorum?
Munera quæ? quæ dona poli? dum natus in orbem
Atpicis has auras; felicibus ignibus unâ
Cœlestes fulsere faces, cunâsque jacentis
Ter fausti cinxere globi. Lucina vocare
Pallada visa Deam, fausto quo Numine foetum
Excipiat, foveâtque sinu: via lactea succis
Influit Ambrosius; roseos aurora liquores
Miscet, & hos teneris infundit gratia labris.
Desiliunt septem plastro gratante Planetæ,
Luce beant propiore domum. Venus aurea cunas
Prima petit, vultumque aperit festina jacentis.
Tot subito micuere faces, tot lumina, tantus
Splendor, ut attonitos lux egerit ire planetas
In tenebras, noctemque pati. Post denuò sese

Con-

042 B 62, 2, 24 RH

Z

Conglomerant, obeúntque domum, Natóque propinquant
Munera donantes. Sua quivis ponit, & astrum
Prodigus effundit. Pleno fert Cynthia cornu
Corporeas vires, foecundáque robora promit.
Mercurius tendens stellatam fidere virgam
Pacífico, dat blanda togæ pacisque fovere
Munera, dat Patriæ mites imponere leges.
Ori nectareos infundit Cypris honores
Ambrosiúmque decus, spargítque in fronte nivales
Delitias, oculisque faces de lumine sumptas
Phoebeio, florere genis dat rubra rosarum
Germina, & ardentes labris florere Pyropos.
Jupiter insigni se desuper explicat astro,
Addicens sortem cunis, fore fata recepit
Prospera, & infestos alacer procul arcuit ignes.
Tardiùs, at læto, se lumine contulit astrum
Saturni, junxitque faces; hic pondera menti
Judiciúmque dedit, secretáque noscere rerum
Fortunæque rotas, plaustrúmque volubile clavo
Firmavit, Natóque dedit constantia fortis
Sidera felicitis, nullisque obnoxia fatis.
Ultimus in media sol constitit aureus **Æde**,
Explicuit totum radiorum circulus orbem,
Infuditque diem. Sed maxima cura loquendi
Abstulerat Phoebum, præsentiaque Astra volebat
Vocibus esse suis. Oracula fudit Apollo
Lucis habens hæc sorte minus, radiósq; remisit
Intendítque sonos: auritam sidera lucem
Arrigere, & plenos radiis advertere sensus
Aspiceres, nati dum fata resolvit Apollo.
Ille loquens radiis, radiánsque in vocibus inquit:
Nascere ter felix, felicibus edite fatis
Fata regens: En astra tuis obnoxia cunis
Te Phœbo splendere volunt, Coelúmque requirunt
Hæc melius quâ sede jaces; jam sidera cunas
Circumstant, & dona ferunt, ut munera vitæ
Dispensent, sortémque notent. Tu major Alumnus
Luce præis, dotésque trahis, quæis cuncta beari
Astra queant. Meliore fovet te fidere Numen.
Altiùs effulges, quàm se movet axis in orbes
Sidereos, superique tibi dant fata; patefcunt
Interiora poli; tibi se thesaurus Olympi
Prodigus effundit; sortem tibi Numina fingunt,
Fataque, fortunámque tuis obnoxia fatis

Ire

Ire vetant, & stare tuo pendentia nutu
Frontis ad arbitrium, nutuque iubente moveri.
Hoc Lodoice tibi natalis ab Æthere spondet,
Ludvico Magno facer; & quid plura requiras?
Is Patriæ clypeum, sidus Badensium, honorem
Et fore te Patris Lodoici spondet; adornat
Jamque tibi coelum stellanti fidere fasces.
Corporis egregiæ dotes animique supersunt
Ornamenta domi: dabitur tibi cuncta tueri:
Tu Proavis par unus eris: pietate Rudolphum
Ostendes; sed Fernandi sapientia mentem
Imbuet, insigni virtutis honore beatus
Ornabit te Bernardus. Tu sorte secundâ
Hermannos, & Wilhelmos, & Avum Lodoicum
Et reliquos Proavos, prò qualia sidera mundi!
Magnis excedes factis; Tibi fortia Magnus
Membra Pater, nervosque dabit, corpusque verendum;
Et formosa ibit tibi plurima Mater in ora.
Te formet virtute Parens, pietate reformet
Te Mater, rursumque animis Pater impleat, ignes
Inspiret, Martisque faces; at Mater amorem
Imperet, & dulces animos, mentemque benignam,
Judicii magnum pondus Pater addat, acumen
Ingenii Mater, legum documenta severam
Justitiæ normam, decus inviolabile recti
Te Pater edoceat, pia munera mater honesti,
Atque preces, vota, & quidquid clementia leni
Suggestit impulsu, gratâ vice reddis utrumque.
Hæc Phœbus: firmant oracula sidera nutu,
Et celsere domo, sed servant atria lucem,
Et quæ fatidico deprompsit fata cothurno
Qui tripodas, vatum lauros, & sidera sentit,
Ista palam fieri cupiunt, & in acta referri.
Et mea Calliope valido præcordia pulsu
Percutit & stimulis ad grandia vota laceffit.
Sistat vena, meæque Deus menti annuat; Ergo
Addimus & Pyliaæ solennia vota senectæ;
Addimus & si quid valeant suffragia plebis:
Vive diu Princeps LODOICE; simulque valebit
Badiadum generosa Domus: sua nomina stellis
Inferet, Æthereis victrix cingenda coronis.
Altiùs attollas radiantis frontis honores,
Illustra totum patriis virtutibus orbem,
Vive, diuque vale Princeps LODOICE, perenna.

Bor